



ԵԿԵՂԵՑԱԿԱՆ ԲԵՄ. ԼՈՒՐԵՐ

Հուլիսի 1-ին, ուրբաթ.—Վեսորվա ժամը 12-ին Ամենայն Հայոց Հայրապետը Վեհաբանում ընդունեց Սովետական Միությունում Ավստրալիայի արտակարգ և լիազոր դեսպան սրբ Զեյմա Պլիմստլին:

Հարգելի հյուրը Մայր տաճար այցելելուց հետո, Վեհաբանում հանդիպում ունեցավ Հայոց Հայրապետի հետ:

Զերմ գրույցի ընթացքում հարգելի դեսպանը խոսեց նաև Ավստրալիայում ապրող հայ եկեղեցական համայնքների օրինակելի և կարգապահ կեցության մասին, որպես լիիրավ քաղաքացիներ հյուրընկալող երկրի:

Վեհափառ Հայրապետը սրտի գոհունակությամբ լսեց հարգելի դեսպանի այս ազնիվ վկայությունը Ավստրալիայում ապրող մեր ժողովրդի գաղթական զավակների մասին և շնորհակալություն հայտնեց պարոն դեսպանին՝ նրա բարի վկայության համար:

* *

Հուլիսի 8-ին, Կիրակի.—Գիտ տփույ Սրբուհույ Աստուածածնի.

Այսօր Մայր տաճարում ա. պատարագ է մատուցում ա. Էջմիածին ուխտավորա-

բար այցելած ԱՄՆ-ի հայոց արևելյան թեմի ֆիլադելֆիա քաղաքի ա. Երրորդություն եկեղեցու հոգևոր հովիվ տ. Արշեն վրդ. Այվազյանը: Նա ամերիկահայ եկեղեցաւեր երիտասարդաց կազմակերպության կրթական ծրագրի պատասխանատուն է, որ հիշյալ խմբի գլուխն անցած՝ հայրենիք էր առաջնորդել:

Պատարագիչ հայրը «Հայր մեր»-ից առաջ քարոզում է «Քանզի կատարած օրինացն Բրիտոս է՝ յարդարութիւն ամենայն հաւատացելոց» (Հով. Ժ 4) բնաբանով:

Ս. պատարագին ներկա էր Վեհափառ Հայրապետը:

Ս. պատարագին ներկա էին նաև ուխտավորաբար Հայաստանում գտնվող Կիպրոսի և Դամասկոսի մի խումբ հայեր:

Նույն օրը, կեսօրից հետո, Վեհափառ Հայրապետը Վեհաբանում ընդունեց ֆրանսիական բանկի տնօրեն պրն. Կլապեին՝ ընկերակցությամբ պրն. Կլալաի: Նրանց ընկերակցում էին նաև ՍՍՀՄ արտաքին առևտրի բանկի նախագահի տեղակալ պրն. Մակիևը և ՍՍՀՄ պետական բանկի հայկական բաժանմունքի կառավարիչ պրն. Աղապյանը:

Վեհափառ Հայրապետի և հյուրերի միջև տեղի ունեցավ շերմ գրույց:

Հուլիսի 6-ին, չորեքշաբթի.—Երեկոյան ժամը 20-ին Մայր Աթոռի միաբանության ներքալան հավաք տեղի ունեցավ Վեհաբանում:

Հավաքին ներկա էր նաև Վեհափառ Հայրապետը:

Այս առթիվ Վեհաբանի դահլիճում միաբանությունը դիտեց 1976 թվականի աշնանը սրբալույս մեռուների օրհնության արարողությանը և Վեհափառ Հայրապետի գահակալության 20-ամյակին նվիրված գունավոր կինոժապավենը: Երկրորդ ժապավենը նվիրված էր տաղանդավոր նկարիչ Միհաս Ավետիսյանի կյանքին ու ստեղծագործությանը:

Սույն կինոդիտմանը ներկա էին նաև մի շարք մտավորականներ ու արվեստագետներ Երևանից:

Հուլիսի 10-ին, Կիրակի.—Մայր տաճարում իր քահանայական անդրանիկ պատարագն է մատուցում նորընծա տ. Ավագ արեղա Ասատուրյանը:

Ս. պատարագին ներկա էր նաև Վեհափառ Հայրապետը:

«Հայր մեր»-ից առաջ պատարագիչը քարոզում է «Զգործս ձեռաց մերոց ուղիղ արա ի մեզ Տէր, և զգործս ձեռաց մերոց աջողեա մեզ» (Սաղմ. ԶԹ 17) բնաբանով:

Հուլիսի 12-ին, երեքշաբթի.—Ժամը 12.30-ին Վեհաբանի հանդիսությանց դահլիճում, Վեհափառ Հայրապետի նախագահությամբ, տեղի ունեցավ Մայր Աթոռի միաբանության և աշխատավորության տարեկան հավաքույթը՝ նվիրված 1976 թվականի աշխատանքների կատարմանն ու 1977 թվականի անելիքների և կարգապահական որոշ հարցերին:

Հավաքույթին ներկա էին նաև Արարատյան թեմի քահանայից դասը, թեմական խորհրդի անդամները՝ գլխավորությամբ առաջնորդական փոխանորդ տ. Կոմիտաս արքեպիսկոպոսի, ինչպես նաև վրահայոց առաջնորդ տ. Գևորգ եպս. Սերապարյանը: Հավաքույթին ներկա էր նաև ս. Գեղարդ վանքի միաբանությունը՝ գլխավորությամբ վանահայր տ. Վահան եպս. Տերյանի:

Հավաքույթի բացումը կատարեց Մայր տաճարի լուսարարապետ տ. Հուսիկ եպս.

Սանթրոյանը՝ բացատրելով սույն հավաքույթի գումարման նպատակները:


Այնուհետև զեկուցումով հանդես եկավ «Էջմիածին» ամսագրի խմբագիր Ա. Հատիտյանը: Հարգելի զեկուցողը կանգ առավ 1976 թվականի սրբալույս մեռուների օրհնության և Վեհափառ Հայրապետի գահակալության 20-ամյակի հանդիսությունների օրհնակելի և կազմակերպված անցկացման վրա՝ նշելով մանավանդ եկեղեցական արարողությունների վեհաշուք տալիսությունը և՛ բազմահազար հայ ուխտավորների, և՛ բույր եկեղեցիների հոգևոր պետերի ու բարձրաստիճան ներկայացուցիչների վրա:

Այնուհետև Ա. Հատիտյանը կանգ առավ 1976 թվականի Մայր Աթոռի վարչատրնտեսական աշխատանքների կատարման վրա, որոնք նույնպես կատարվել են բարեխղճությամբ և կարգապահության ոգով: Ուշադրության արժանի էին նաև Մայր Աթոռում կատարված շինարարական-վերանորոգչական աշխատանքները: Զեկուցողը ներկայացրեց 1976 թվականին կատարված շինարարական աշխատանքների ընդհանուր պատկերը և ապա խոսեց 1977 թվականի շինարարական աշխատանքների ծրագրերի մասին և՛ Մայր Աթոռում, և՛ Մայր Աթոռի շրջափակից դուրս:

Ա. Հատիտյանը նաև նշեց 1976 թ. երկվանի առաջնորդականիստ ս. Սարգիս եկեղեցու կատարված վերանորոգչական աշխատանքները, որով մայրաքաղաքը օժտվեց նրա ճարտարապետական կառույցին համահնչուն մի նոր ու փառավոր կոթողով:

Այնուհետև Ա. Հատիտյանը անդրադարձավ նաև Մայր Աթոռում կատարված աշխատանքներում տեղ գտած մի քանի թերությունների մասին՝ շեշտելով, որ աշխատանքը մարդու պատվի և արիության գործըն է, մանավանդ այս սուրբ Հաստատության մեջ, որ Մայր Աթոռ ս. Էջմիածինն է: Ապա հարգելի զեկուցողը ներկաներին ծանոթացրեց 1977 թ. հունիսի 6-ից 10 օրերին Մոսկվայում գումարված կրոնական գործիչների համաշխարհային համաժողովի աշխատանքներին, որոնք նվիրված էին կայուն խաղաղության, զինաթափման և ժողովուրդների միջև արդար հարաբերությունների հաստատմանը: Սույն ժողովին մասնակցել են 110 երկրներից մոտ 700 ներկայացուցիչներ: Հայաստանյայց եկեղեցու պատգամավորությունը գլխավորել է Ամենայն Հայոց Հայրապետը:

Իր զեկուցման ավարտին Ա. Հատիտյանը հրապարակեց նաև Վեհափառ Հայրապետի հունիս 26 թվակիր վճիռը, որով կարգադրյծ էր արվում վրահայոց թեմից տ.



Վեհափառ Հայրապետը Մայր Աթոռի միաբանության և մարավանքի ողջ աշխատակիցների հետ Վեհարանի բակում (1977 թ. հուլիսի 12)

Տիրայր քնն. Կոնսուլյանը, որը դժգոհվել էր ծառայության ուխտը, լքել էր իրեն վստահված հոտը և իր առաջին կնոջից ունեցած իր օրինակոր զավակներին և մեկնել արտասահման՝ հակառակ իրեն եղած բազում հորդորներին և նախագաղաղացումներին:

Հավաքույթի երկրորդ զեկուցողն էր Մայր Աթոռի դիվանապետ տ. Արսեն եպ. Բերբերյանը, որը համառոտակի ներկայացրեց 1977 թվականի մայիսի 22—29 օրերին Անթիպիսում կատարված աթոռակից-կաթողիկոսի ընտրության և օծման հանդիսությունների առիթով Մայր Աթոռի և Անթիպիսի միջև փոխանակված գրությունները, բացատրելով մանավանդ Անթիպիսի կանոնադրության 32-րդ և 33-րդ հոդվածների տրամադրությունները, որոնք անհամատեղելի են մեր եկեղեցական կարգ ու կանոնի ոգուն, և որոնք, ըստ Անթիպիսի Աթոռի տված հավաստագրումների, ջնջվելու են նրա կանոնադրությունից:

Հավաքույթի ավարտին Վեհափառ Հայրապետը հանդես եկավ Մայր Աթոռի միաբանության և աշխատավորությանն ուղղված օրհնության խոսքով: Նորին Աթոռից հայրապետական Իր բարձր գնահատությանն արժանացրեց Մայր Աթոռում կատարված բոլոր քննադատների աշխատանքները և թեպադրեց նույն բարեխղճությանը և սրբությանը շարունակել աշխատանքները՝ ի պաշտություն Մայր Աթոռ սուրբ Էջմիածնի և ի բարօրություն հայ ժողովրդի:

Հավաքույթի ավարտին Վեհափառ Հայրապետը բարեհաճեց նկարվել Մայր Աթոռի միաբանության և աշխատավորությանն հետ:

Հուլիսի 14-ին, հինգշաբթի.—Այսօր, առավոտյան ժամը 11-ին, Վեհափառ Հայրապետը, ընկերակցությամբ տ. Թորգոմ, տ. Կոմիտաս արքեպիսկոպոսների, տ. Ավագ արեղայի և ԱՄՆ-ի արևելյան թեմի թեմական խորհրդի ատենապետ արև. Զոն Նաչարյանի, այցելություն տվեց Երևանի ֆիզիկայի ինստիտուտին:

Վեհափառ Հայրապետը և Նրան ընկերակցող անձինք հանգամանորեն ծանոթացան գիտական այս մեծ ու կարևոր հաստատության աշխատանքներին, այցելեցին ստանձնին բաժանմունքներ ու փորձարարական լաբորատորիաներ:

Հայոց Հայրապետին և նրա շքախմբի անդամներին անհրաժեշտ բացատրություններ տվեց հաստատության դիրեկտոր, ՀԳԱ թղթակից անդամ, դոկտոր Անդրանիկ Ա.

մատունին, մանավանդ «Նաիրի» հաշվիչ մեքենաների և այստեղ կատարված լուրջ գիտական աշխատանքների ու մեծ նվաճումների մասին:

Հուլիսի 15-ին, ուրբաթ.—Այսօր, երեկոյան, Հայոց Հայրապետի հրավերով Մայր Աթոռ ժամանեց քելզիացի հայտնի հոգևորական գործիչ կանոնիկոս Ռայմոնդ Գորը, որը մասնակցել էր հունիսի 6—10 օրերին Մոսկվայում գումարված կրոնական գործիչների համաշխարհային ժողովին, որը նվիրված էր կայուն խաղաղության, զինաթափման և ժողովուրդների միջև արդար հարաբերությունների հաստատմանը:

Կանոնիկոս Ռայմոնդ Գորը այցելեց Մայր տաճար, Հին և Նոր Վեհաքարաններ, ս. Հովհաննես և ս. Գայանե տաճարներ. ուխտի գնաց ս. Գեղարդ և դիտեց մայրաքաղաքի մի շարք պատմական և տեսարժան վայրեր:

Կիրակի օրը հարգելի հյուրը ներկա եղավ Մայր տաճարում Վարդավառի տոնի ս. պատարագին:

Հուլիսի 18-ին, երկուշաբթի.—Յիշատակ մեռելոց.

Այսօր Մայր տաճարում իր անդրանիկ ս. պատարագն է մատուցում նորընծա տ. Սարգիս քնն. Սարգսյանը:

Հավարտ ս. պատարագի կատարվում է հոգեհանգստյան պաշտոն՝ «վասն համօրէն ննջեցելոց»:

Նույն օրը, երեկոյան, Վեհափառ Հայրապետի հրավերով ուխտավորաբար Մայր Աթոռում գտնվող քելզիացի հոգևորական գործիչ, կանոնիկոս Ռայմոնդ Գորը հրաժեշտի տեսակցություն ունեցավ Վեհափառ Հայրապետի հետ:

Հայոց Հայրապետի և կանոնիկոս Ռայմոնդ Գորի միջև տեղի ունեցավ ջերմ գրույց Էկումենիկ ոգով, աշխարհում կայուն խաղաղության պաշտպանությանը նվիրված աշխատանքների մասին:

Կանոնիկոս Ռայմոնդ Գորը մի անգամ ևս իր երախտագիտությունը և շնորհակալու-

թյունը հայտնեց Հայոց Հայրապետին, Մայր Աթոռ և Էջմիածին և աստվածաշնչական Հայոց աշխարհ այցելելու պատենության համար: Ժամը 20-ին Վեհարանի սեղանատանը ողջերթի սեղան տրվեց՝ ի պատիվ կանոնիկոս Ռայմոնդ Գորի:

Ընդունելությանը ներկա էին տ. Թորգոմ, տ. Կոմիտաս, տ. Արսեն արքագանները և արև. Ջ. Նաջարյանը: Նույն օրը, երեկոյան, հրաժեշտ տալով Վեհափառ Հայրապետին, կանոնիկոս Ռայմոնդ Գորը լավագույն տպավորություններով մեկնեց Մայր Աթոռից:

*
* *

Հուլիսի 19-ին, երեքշաբթի.—Այսօր, առավոտյան, Ռումինիայի և Բուլղարիայի հայոց թեմերի թեմակալ առաջնորդ տ. Տիրայր եպս. Մարտիրոսյանը, որ ուխտավորաբար մոտ մեկ ամիս զտնվում էր Մայր Աթոռում, մեկնեց իր պաշտոնատեղին:

*
*
Հուլիսի 24-ին, կիրակի.—Այսօր Մայր տաճարում ս. պատարագ է մատուցում տ. Մասիս վրդ. Գալստյանը և «Հայր մեր»-ից առաջ քարոզում՝ «Ջի եկն որդի մարդոյ կեցուցանել զկորուսեալն» (Մատթ. ԺԸ 11) բնաբանով:

Ս. պատարագին ներկա էր Վեհափառ Հայրապետը:

*
* *

Հուլիսի 31-ին, կիրակի.—Այսօր Մայր տաճարում ս. պատարագ է մատուցում տ. Սարգիս քհն. Սարգսյանը և «Հայր մեր»-ից առաջ քարոզում՝ «Ջի ամենայն տուրք բարիք և ամենայն պարգևք կատարեալք՝ ի վերուստ են իջեալ առ ի Հօրէն լուսոյ» (Հակոբ. Ա 17) բնաբանով:

Ս. պատարագին ներկա էր Վեհափառ Հայրապետը:

